



Nic. Clenardi Epistolarvm Libri Dvo

Clénard, Nicolas

Antwerpen, 1566

Nicolavs Clenardvs Literato Viro D. Ioanni Vasaeo Amico Singvlari.

[urn:nbn:de:hbz:466:1-70781](#)

SALVE chariss. Vasæe. Ad nullam epistolarum accep-
 pi respōsum, quas ad te per Vlyssiponem misi: literas
 postremas tuas accepi sub finem Iulij, quas scripseras
 postridie Ioannis Baptiste: nihil præterea accepi de re-
 bus tuis, cùm tamen essem sollicitus de valetudine tua,
 quam significaueras tentatam: ideoq; semel atque ite-
 rum ad te scripsi, nunc tertium ad te mitto, & te per omne
 m amicitiam oro, ut hoc tabellario me certiore
 facias omnibus de rebus. Hactenus non sine causa di-
 stuli mittere illos quinquaginta: nunc vbi abs te literas
 accepero, & videro quomodo mitti velis, cogitabis
 nullam præterea futuram moram. faciam, si huc vene-
 ris, ut antea tibi præscripsi, de itinere disces ex præsenti
 tabellario; ego enim aliam rationem non videram, nisi
 quemadmodū nuper aiebam, vt nullū emeres equum,
 sed nauigio descéderes Vlyssiponem ad Carolum Cor-
 ree. per eum vbi iam accepero de omnibus tuis rem
 certam, velim, ut apertè quicquid est ad me perscribas,
 & quid ex aula Cæsaris ille ad te scripserit de filio. Vale
 mi Vasæe. Salutabis dominum cum Hammonio & Vin-
 centio. Eboræ in octaua assumptionis Mariæ.

D A B I S huic tabellario vnum regale, & mihi im-
 putabis, persoluam suo tempore. Deinde ut tua quoq;
 epistola bona fide perferatur, superscribes tantundem
 ut hic soluam.

NICOLAVS CLENARDVS LITERATO
 VIRO D. IOANNI VASAEO
 AMICO SINGVLARI.

MIRIFICE me recreauit epistola tua, mi Vasæe;
 vtinam faciat Deus, ut nostrates aliquando cernat, quod de te iamdudum præfigio: quare perge quæso in
 isto cursu, & quemadmodum apertè satis scripsti,
 istes

istos χρονικέπεις παρ' ὅνδεν τίθεον, μᾶλλον ἢ ὅφεις δίκην μι-
 τεῖν διατέλει. Quamuis monendus non sis, tamen amori
 meo condonabis, si te iam Ciceroni deditum, paucis,,
 adhorter, ne stultorum more, in illius epistolis multum,,
 5 colloces temporis. Cum agerem Lutetiae, bone Deus,
 quam sibi quidam suauiter placebant, quod eas ad At-
 ticū bellè sese putarent intelligere? Tua res omnis est in
 orationibus sita, tu non in umbra nobiscum delitescere
 debes, sed in lucem, & omnium oculos pertrahendus
 10 es: quare & illud summopere curabis, ut potius, aucto-
 re Cicerone, ex arte dicas, quam multum de arte dispü-
 tes. Est istic quidam iuuenis, cuius mentionem fecisti
 in epistola, qui omnes angulos scriptorum huius gene-
 ris penetrare voluit, & forte parem non habet Hispania:
 15 eum caue ne æmulatione mala superare studeas:
 nisi forte istic melius vulgus discipulorum Latinè lo-
 qui putas, quam apud nostrates: qui credo non tam
 multos menses dant carnificinæ Grammaticæ, quam isti
 annos. E Grammaticorum ludo, similitudinē Orato-
 20 ris proposui, ut potius velis insignis esse Orator, quam
 curiosus Rhetor. De Dialecticis & Physicis ne multum
 angare, res est facilior quam credas: suo tempore bre-
 uiter consilium expediemus, interim persiste in institu-
 to tuo. Amices omnes officiosè salutabis, nulli respon-
 25 deo, quia non possum omnibus, & alioqui nihil erat
 reiseriae. Tuis discipulis proximo tabellario responde-
 bo. Gauisus sum de apophthegmate Prioris, conseruet
 Dominus tam bonam indolem, & tu quoque chariss.
 Vasæe, cum literis simul, ut facis, instilla pietatem: pro-
 30 derit in omne æuum, quod tener animus iam imbib-
 erit. Apud Sertorianos nullum licet inuenire, qui ratio-
 nem doceat conficiendi minij ē ligno bresilio: roga meo
 nomine D. Iacobum, ut exactè rationem præscribat; est
 enim mihi opus.
 35 A P V D bibliopolam Ioannem Augustinum erant
 Biblia Hebræa, ut tua, & vendere volebat duobus du-
 catis: vide si quod bonum habeat exemplat, eme &

K com-

compaginatum in duabus partibus mittito. Est Ioannes Vascus, si memini, quis solus istuc nouit lauare libros, nolui nisi bene lotum et planatum, nam adscribenda sunt mihi in eo plurima. Hac fide & cōditione cōcīnetur in duabus partib. hoc pacto: Prima pars cōtineat, quinq; libros Moysi, deinde (omissis duobus codicibus, qui incipiunt à Canticis cantieorum) libros Iosue, Iudicū, & Regum: deinde (omissis omnibus Prophetis & Psalmis) librum Danielis, Esdræ, & Paralipomenon. hoc ordine cōcīnetur pars prima. Altera pars hoc ordine; primò ponantur Psalmi, Proverbia, Job; deinde Canticum cantorum, Ruth, Threni Jeremias, Ecclesiastes, Hester; deinde Esaias, Hieremias, Ezechiel, cum Prophetis minoribus: hoc pacto sunt ea excusa, ut sic possint diuidi. Adhibe nostrum Vegam, qui mihi eam operam præstet, ne quid turbetur à p̄scripto à me ordine: quod si videris exemplar nō nitidum, aut insigne quid vitij animaduertas, ne emeris. Quicquid persolveris bibliopolę aut concinnatori, soluam proximo tabellario. Bene vale, mi Vasæe, & D. Prætori gratias age de curatis nostris literis. Eboræ postridie Visitationis Mariæ. Cantaraus agit gratias & te salutat: ubi Gallicū illud Testamentum habueris, mitte, & tam huius quām Ori Aegyptij precium significa, non te volo hæc dono mittere, sed tantū nobis emere.

NIC. CLEN. LITERATO VIRO D. IOAN.

VASAEO AMICO SINGVLARI.

SALVE, mi Vasæe. Ne nunc quidem licet tecū agere prolixius: fermè enim scribendo me confeci. Fui his diēbus proximis discedente catarro, totus in Lexico Arabico, iamq; manū extremā imposui: malimq; pingere characteres Arabicos quām Latinos, quos fermè p̄didisse mihi videor, adeò calamus assueuit barbaris dictionibus: quare nūc vel maximè ignoscet, si minus patlato tuo literæ meæ satisfaciant: si liberet Arabicari, haberes me posthac prolixissimū, quando est animus iam eodem